



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm VIII. Cùm bonæ.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

dicamenta præbuisse, eum diligentia; sed sæpius male successisse: quia ex medicinis, quibus homines sanare volebat, aliqui mortis periculum incurserunt: Quærebat, utrum nihilominus ad sacros ordines promoueri posset. Respondet illi Pontifex: Si conscientia in his te remordet, de consilio nostro ad ordines maiores ne ascendas.

SUMMARIUM.

1. Medicinae peritus, & secundum regulas artis operatus, ob euëcum mortis infirmi, non incurrit irregularitatem.
2. Incurrit autem clericus in maioribus, & Religiosis, si artem chirurgicam exercet, & per incisionem vel adustionem mors vel mutilatio (et si casu, & omni adhibita diligentia) sequatur.

Contra hanc Clementis respondionem obiicitur: Ex homicidio casuali, & omnino inculpati non incurritur irregularitas: Atqui homicidia ista, si ex medicinis fecuta sunt, omnino casualia & inculpata fuerunt. Ergo Canonicus illi nullus irregularitatis scrupulus iniiciendus fuit. Maior est certa ex c. latere, 9. de homicidio, & docuilib. 3. tr. 3. p. 3. c. 10. assert. 1. Minor constat ex l. illicet, §. Sicuti, ff. de offic. Præsidis. Nam ad officium seu obligationem Medici agros carantis plus non requiritur, quam ut in arte peritus ac versatus sit, nam imperitia culpæ annumeratur in ijs, qui ut periti operam suam promittunt, si quis domum, 9. §. Celsus, ff. locati) & ut secundum artis regulas, adhibitæ diligentia, operetur. Quod si nihilominus euentus insfelix sequatur, id Medico imputari non potest, sed casui & fortunæ. Quamobrem Galenus dixit, Medicum fortunatum esse oportet; quia in particulari ob varia adiuncta multa incident, quæ neque à prudentissimo præuideri possunt. Respondeo: Si Canonicus ille in minoribus constitutus, medicinæ peritus fuit, & secundum regulas artis operatus, irregularitatem timere non debuit, sicuti etiam Innoc. hic notauit. Quamobrem neque Pontifex illi absolutè

præcepit, ut à sacris ordinibus abstineat. Ceterum suspicatus fuit Pontifex, non omnem culpam abfuisse: eam maximè ob causam, quia ad Clericos beneficiatos, quamvis in minoribus tantum constituti sint, non pertinet artis medicæ, aut chirurgicæ exercitium, nisi necessitas aut pietas in aliquo casu subsumendum à Clerico exigat, vt docet Nauar c. 15 man. n. 1. o. Cum igitur Canonicus ille operam dederit rei illicitæ, sibi que prohibita, & facta fuerit sæpius ex medicinis suis hominibus mortis pericula generatum fuisse; non credebatur simplici & non probata eius assertioni, quod & artis peritus esset, & cum omni diligentia operatus. Sed potius præsumptio fuit contra hominem, quod latenter leuis seu venialis negligenter & culpa commissa fuerit. Ea autem sufficere deberat irregularitatem ex secuto homicidio comprehendam, si quis operam dedit rei fibi prohibita, secundum probabilem DD. sententiam, quam tradidi eod. c. 10. assert. 3. dicendo 2. Ceterum Clericis in maioribus, atque Monachis seu Religiosis exercitium artis chirurgicæ per incisionem vel adustionem seuerius prohibitum est, adeo ut si mors, aut mutilatio exinde secuta sit, quamvis casu & omni adhibita diligentia, irregularitas contrahatur, iuxta c. sententiam, ne Clericis vel Monachi, & dixi cit. c. 10. assert. 2. Videri potest Hostiensis hoc tit. n. 4.

CAPITULUM VIII.

Cum bonæ.

PARAPHRASIS.

Clemens III. citarat ad se Clericos quosdam Baranensis Ecclesæ, ut responderent ad obiecta Archidiaconi sui, quem graueriter quererant: Cum autem illi accedere contemnerent, suspensionis sententiam in eos promulgavit: In qua illi censura triennio permanentes, etiam beneficia ecclesiastica interim consecuti sunt. Sed dubitatum postea fuit, an ea beneficia retinere possent. Ad id respondebat Cœlestinus III. Successor

censor Clementis, quod non liceat eis beneficiis, quæ ante suspensionem habuerunt, neque quæ postea consecuti sunt, retinere: Ideoque mandat Archiepiscopo Baranensi, ut illos, propter pertinaciam & contemptum Sedis Apostolice omnibus beneficijs priuet.

S U M M A R I V M .

1. Clerici priuandi sunt beneficiis, quæ in suspensione acceperunt.
2. Qui contumaciter persistit in excommunicatione, aut suspensione, priuatur beneficio, quod prius habebat, & interea acquisivit.

D E hac Cælestini responsione nullum dubium est, quoad vnam partem, videlicet clericos priuandos esse beneficijs, quæ in suspensione acceperunt. Quemadmodum enim qui ab ordine suspensus est, nouum ordinem suscipere non potest, ita qui ab officio, vel beneficio suspensus est, ei aliud officium aut beneficium ecclesiasticum conferri haud potest, arg. c. vlt. de cleric. excom. ministr.

Quoad alteram vero partem dubium est, vnum suspensus ab officio, vel beneficio, si pereum sit, quod minus à suspensione absoluatur, beneficijs ante suspensionem obrentis priuandus sit. Respondeo ex doctrina Innoc. super hoc c. Suspensionis varijs modis obculpanteri potest: Primo, ad tempus definitum, v.g. ad triennium: hoc casu pura poena reationem habet, & per seipsum cessat, tempore lapsi, nisi prius à Superiori dispensatio, seu relaxatio impetretur. Idemque est, si sub conditione lata sit suspensio, donec restituatur, donec satisfecerit: nisi quod in ordine ad forum externum requiratur absolutio, seu potius declaratio, conditionem impletam, seu satisfactum fuisse.

Secundo ferri potest suspensio propter commissum crimen, tanquam pura pena in perpetuum: & tum parum differt à depositione, seu priuatione; saltem qui ita absque spe relaxationis suspensus est, beneficijs priuari debet, iuxta ea quæ dixi lib. 5. tr. 5. p. 3. c. 1. n. 3. & c. 5. n. 1.

Tertiò feretur suspensio tanquam propriè dicta censura propter presentem contumaciam, ita ut ea deposita, absolutio conferenda sit. Cæterum si Reus in contumacia diu perseueret, seu per ipsum sit, quod minus absoluatur, denique indignus reputatur, qui ab Ecclesia recipiatur, & à contracta censura absoluatur, uti colligitur ex hoc textu. Et in c. rursus, 36. &c. seq. causa 11. q. 3. excommunicationis censurā altrictis annis præfigitur, intra quem causam suam peragere possint postea audiendos non esse. Id vero Innoc. Ioan. Andr. Ant. Butrio hic ad censuram quoque suspensionis extendunt; si suspensus intra annum ecclesiæ satisfacere, & absolutionem petere per contumaciam intermit-
tat, postea audiendum non esse, consequenter priuandum, seu deponendum: Et quod hic de triennio relatum est, facti speciem fuisse. Ego vero arbitror, nullum certum tempus definiri posse, sed superioris iudicio committendum, utrum tanta & tam diuturna in excommunicatione, aut suspensione persistentis, contumacia sit, ut spectata qualitate facti, priuationem beneficiorum me-reatur. Quod vero in cit. c. rursus, & seq. analis temporis mentio fit, id secundum eorum temporum & criminum circumstantias decretum est. Sed etiæ ea pena in persistentibus in excommunicationis censura adhuc hodie locum haberet, tamen ad suspensionem sine iuri textu extendi non posset.

C A P I T U L U M IX.

A multis.

S U M M A R I V M .

1. Subdiaconus liberè in Episcopum eligi potest.
2. Clericus autem in minoribus constitutus non potest eligi, sed postulari debet.

D Vbitatum fuit, vtrum Subdiaconus in Episcopum liberè eligi possit, an vero postulari debeat. Quod enim postulari debebat, significat Urbanus I. Papa relatus in c. vlt.

Vnu 2 d. 60.